



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, [1659 erschienen] 1660

S. Anatolia V.M. 9. Iulij.

urn:nbn:de:hbz:466:1-42032

S. ANATOLIA V. M. 9. Iulij.

Rectè liliū dixeris virginitatis, sed spinas easque plurimas inter. Vel ANATOLIA palam id facit, pulcherrimi candoris & ipsa liliū, quod ubi carpere procus impudens desperavit, ex amatore hostis factus; Fidem apud Iudicem accusavit, cujus castimoniam non potuit. Itaque ex veteris, sed pessimo more in exilium virtus mittitur. Sed fallor. patriam putasses, ita in honore etiam ibi fuit. Etenim cum Diodori Viri Consulatis filius (Anianum dixerunt) à malo genio correptus sepe numero discruciarī ab ANATOLIA se clamitasset, quin ruptis subinde vinculis ad illius pedes abjectus, missionem tandem accepisset, illic ea fama totum Piceni agrum pervasit, ut jam commune omnium morbidorum asylon virgo exul esset, jamque tam felix exilium invideret Decius, ideoque huic vincula, equuleos & flammās superadderet, quā etiam Audacem nobilem magum evocaret, qui immanem in virginem serpentem armaret. Sed pepercit hic virginitati, non item magistro suo Audaci, utpote in cuius collum ita invasit, ut nisi manum auxiliarem virgo tulisset, pereundum illi ab hoc collari fuisset; quam tamen sic Audax cervicem serpenti, Christianus postea gladio non subduxit; quo ANATOLIA denique etiam trajectu pudorem sanguine tinxit, hoc est lilijs rosas miscuit. *Ex Surio.*

Si nobis sputa, quae sine peccato projiciuntur, horrorem faciunt in vestibus nostris; putas cogitationes libidinosas, quae de aëre ingerit, qualem horrorem faciunt Deo in animabus nostris? B. Cæsar. hom. 3.

S. FELL.